

靈寶無量度人上品妙經卷之四十五

字五

靈寶无量度人上品妙經卷之四十五

字五

解穰山谷瘴癘品

道言昔於浩舒天中邃碧幽歌大神樂土受  
元始度人解穰山谷瘴癘妙品元始天尊當  
說是經周迴十過以召十方始當詣座天真

大神上聖高尊妙行真人大小山谷仙官主  
宰十方國土列嶽群仙溪谷泉源鬼神令長  
直年方域行瘴為癘神官曹屬部隸攸司无  
鞅數衆乘空而來從山現出紫輶碧輿飛雲  
暉映寶輪羽蓋扶華垂蔭流明玉光千色蓬

勃朗耀玄虛七日七夜諸天日月星宿樞衡  
玉關駐景停輪神風靜默山谷藏雲天鑑鮮  
瑩和氣八騫一國地土山川林木緬平一等  
无復高下土皆作藥珠含碧温明之玉无有  
異色衆真侍座元始天尊玄坐空浮九靈夜

字五

光萬峰承景瓊臺之上說經一徧諸天大聖  
同時稱善是時三萬六千山嶽一時開明說  
經二徧玄霜洒空靈芝盤鬱說經三徧祥煙  
普覆岩竇生香說經四徧世境肅清山雲吐  
秀說經五徧龍光照海天寶凝華說經六徧

道炁昭蘇群生怡悅說經七徧鬼魔潛伏瘴  
癘捐消說經八徧天谷虛玄神煙鬱藹說經  
九徧玉真俯應妙瑞告玄說經十徧化洽窮  
夷天人稱嘆是時一國是男是女莫不傾心  
皆受護度咸得長生

道言是時元始天尊說經一徧東方真賢世  
界无極國土解穰山谷瘴癘大神无鞅之衆  
升空而至說經二徧南方慧觀世界无極國  
土解穰山谷瘴癘大神无鞅之衆升空而至  
說經三徧西方定仙世界无極國土解穰山

道炁昭蘇群生怡悅說經七徧鬼魔潛伏瘴  
癘捐消說經八徧天谷虛玄神煙鬱藹說經  
九徧玉真俯應妙瑞告玄說經十徧化洽窮  
夷天人稱嘆是時一國是男是女莫不傾心  
皆受護度咸得長生

道言是時元始天尊說經一徧東方真賢世  
界无極國土解穰山谷瘴癘大神无鞅之衆  
升空而至說經二徧南方慧觀世界无極國  
土解穰山谷瘴癘大神无鞅之衆升空而至  
說經三徧西方定仙世界无極國土解穰山

谷瘴癘大神无鞅之衆升空而至說經四徧  
北方常善世界无極國土解穰山谷瘴癘大  
神无鞅之衆升空而至說經五徧東北明微  
世界无極國土解穰山谷瘴癘大神无鞅之  
衆升空而至說經六徧東南靈德世界无極

字五

二

國土解穰山谷瘴癘大神无鞅之衆升空而  
至說經七徧西南海靜世界无極國土解穰  
山谷瘴癘大神无鞅之衆升空而至說經八  
徧西北元皇世界无極國土解穰山谷瘴癘  
大神无鞅之衆升空而至說經九徧上方洞

虛世界无極國土解穰山谷瘴癘大神无鞅  
之衆升空而至說經十徧下方通光世界无  
極國土解穰山谷瘴癘大神无鞅之衆升空  
而至十徧周竟十方世界无極國土解穰山  
谷瘴癘大神一時同至一國男女傾心歸仰  
求請天尊以大慈力普爲下元十方世界无  
極生類解穰山谷瘴癘保命全形演說普天  
山嶽洞谷幽墟有諸鬼神藏匿遊泊與諸惡  
毒御命之衆聚結黨屬施行毒炁瘴癘生民  
元始神文收攝解除毒害永消是時仙真來

者雲集雨飛駢羅圍繞无鞅之衆迺國一半  
土皆偏陷非可禁止於是元始凝眸垂眄遐  
覽國土緩振玉音徧告大衆混黃立極萬象  
同生故有三萬六千天地三萬六千日月又  
有大三千世界中三千世界小三千世界一

字五

三

一世界各有種類以分族緒三萬六千山谷  
處諸世界次二萬三千山谷一萬二千山谷  
一千二百山谷三百六十山谷以爲天地世  
界瀦澮數澤山谷之炁化生毒醜惡蛇虺  
大小之蟲乘其晨炁噓吐成烟毒霧蔽蒙觸



冒世間世間男女依近山谷呼吸飲吞納受  
其邪構爲瘴癘以至夭傷徧殆境邑我以法  
慧出示神符解禳之法使世間生民獲養安  
和修行得道大衆稱讚各願聽聞

元始既興妙教懸一寶珠大如黍米在空玄

之中去地五丈元始登引天真大神上聖高  
尊妙行真人十方无極世界國土解禳山谷  
瘴癘大神无鞅數衆俱入寶珠之中天人仰  
看唯見勃勃從珠口中入既入珠口不知所  
在國人廓散地還平正无復歌陷元始即於

寶珠之內說經都竟衆真監度以授於我當  
此之時喜慶難言法事粗悉諸天復位倏歛  
之間寂无遺響是時天人遇值經法普得濟  
度全其本年无有中傷傾土歸仰咸行善心  
不邪不安不恣不逸不驕不矜不詭不隨不  
誑不惑言止淳正體貌雍容齊同安泰異骨  
成親國安民康欣樂太平經始出教一國以  
道預有至誠宗奉禮敬皆得度世  
道言元始天尊說經中所言並是諸天上帝  
內名隱韻之音亦是真王內諱解襍山谷瘴

癘百靈之隱名也非世之常辭上聖已成真人通玄究微禁敕山谷行瘴為癘毒惡鬼神解脫禍因厭禳疾害保濟生民能悉其章誦之十過諸天遙唱北帝設禮鬼神攝毒山谷藏雲瘴癘不行兆民清安群魔束形鬼精滅

字五

四

奕回屍起死白骨成人至學之士誦之十過則五帝侍衛三界稽首魔精喪眼鬼祆滅奕濟度垂死絕而得生所以爾者學士棲真山谷與道玄同不假解禳自无瘴癘若穢氣未消體未洞真以制十方威未制天政德可伏

御地祇束縛魔靈解穰瘴癘存救世人但却  
疾而已不能長生輕誦此章身則被殃供養  
尊禮門戶興隆世世昌熾與善因緣萬災不  
干神明護門斯經尊妙福慧自然度人无量  
爲濟物之宗巍巍大範德難可勝

道言凡誦是經十過十方解穰山谷瘴癘大  
神齊到毒惡之炁大小蟲蝮噴吐惡烟染害  
生民殘傷物命誦此洞文瘴癘消滅十方山  
谷總屬瘴癘之神有七仙童子奏事童子十

二年壬七十二候統瘟癘仙師掌病仙母主

瘴癘歐陽神君華仙郭師君張師君鍾師君  
李師君白師君統兵行瘴病鬼帥邵侯欽聞  
帝勅急為收攝毒炁山谷惡精解謝積世傳  
注禳辟災咎立離兆身長生降真福祿永年  
清淨通靈衆神護衛如符所勅病炁蠲釋而

字五

五

好學至經功滿德就皆得神仙飛昇金闕遊  
宴玉京也上學之士修誦是經山谷之邪世  
間瘟疫不敢為害神炁充全皆即受度飛昇  
南宮世人受誦則延壽長年後皆得作尸解  
之道魂神整滅不經地獄即得返形遊行太

空此經微妙普度无窮一切天人莫不受慶  
无量之福生死蒙惠上天所寶不傳下世至  
士齋金寶效心盟天而傳輕泄漏慢殃及九  
祖長役鬼官侍經五帝玉童玉女各二十四  
人營衛神文保護受經者身

道言正月長齋誦詠是經解穰春夏山谷瘴  
癘不得染注生人爲上世亡魂斷地逮役度  
上南宮七月長齋誦詠是經解穰秋行山谷  
瘴癘不得染注生人身得神仙諸天書名黃  
錄白簡削死上生十月長齋誦詠是經解穰

冬行山谷瘴癘不得染注生人爲國土帝主  
安鎮國祚保天長存世世不絕常爲人君安  
鎮其方民稱太平八節之日誦詠是經解穰  
時行山谷瘴癘不得染注生人得爲九宮真  
人本命之日誦詠是經解穰山谷瘴癘不得  
於本命刑害衝破死敗之日染傳毒炁殃注  
兆身魂神澄正萬炁長存不經苦惱身有光  
明三界侍衛五帝司迎萬神朝禮名書上天  
功滿德就飛昇上清

道言行道之日皆當香湯沐浴齋戒入室

東向叩齒三十二通上聞三十二天心拜  
三十二過閉目靜思身坐青絳黃三色雲  
氣之中內外翳冥有青龍白虎朱雀玄武  
獅子白鶴羅列左右日月照明洞煥室內  
解襪大神侍衛畢至項生圓象光映十方

字五

六

如此分明密呪曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人關啓所言今日吉慶  
長齋清堂修行至經無量度人願所啓上徹



徑御

无上三十二天元始上帝至尊几前畢言靈

式引炁三十二過東向誦經

元始无量度人上品妙經

元始洞玄靈寶本章解穰山谷瘴癘妙品十

方度人勅魔隱韻冥合自然真炁妙祖虛无

上玄元始之炁寶液凝華植立天地山嶽洞

宮棲烈萬神握御元網經營造化順育生靈

陰陽乖沴生積妖雲毒精結體以造魔群  
蛇巨蝮癘鬼之精八山四嶽隱穴幽墟乘其  
正炁騰化邪氛肆其酷毒傷害黎民為瘴為  
癘无以蕩除靈寶上道洞玄真文攝召統制  
永保肅清无文不光无文不明无文不立无

字五

七

文不成无文不度无文不生是為大梵神妙  
之機鬱羅蕭臺玉山上京上極无上大羅玉  
清渺渺劫刃若亡若存三華離便大有妙庭  
金闕玉房森羅淨靈斡旋大紐範圍十方中  
有解穰山谷瘴癘之神中有清淨萬福天君

中有衛世吉祥大神中有无極保命丈人中  
有南上蕩妖滅注延壽益算度厄尊神迴骸  
起死无量度人今日校錄諸天臨軒  
東方无極攝毒神王長生大聖无量度人  
南方无極葆真神王長生大聖无量度人  
西方无極破邪神王長生大聖无量度人  
北方无極靜天神王長生大聖无量度人  
東北无極辟禍神王長生大聖无量度人  
東南无極祛瘴神王長生大聖无量度人  
西南无極消癘神王長生大聖无量度人

西北无極制妖神王長生大聖无量度人  
上方无極固命神王長生大聖无量度人  
下方无極護身神王長生大聖无量度人  
十方解穰山谷瘴癘神王長生度世无量大  
神並乘寶雲紫琳玉輦碧鳳神輿縹幃雕輪

驂駕玄虎五色黃龍建九天之節八素靈幡  
前嘯洞章齊唱後歌隱韻同音獅子白鶴嘯  
歌噦噦仙卿啓途五老翼轅億乘萬騎浮空  
而來傾光回駕監真度世九地土皇五嶽上  
公九州社令四瀆神王解穰瘴癘疾厄大神

執錄把籍齊到帝前隨所應度嚴校諸天普  
告三界无極神鄉山谷之府四面八方三萬  
六千大小之山潛穴幽谷岩壑溪源上解鬱  
伏五行不正之炁寒温乖沴之邪遘合鬼異  
蒸發雲烟隨人呼吸傷害間關外薄肌膚侵

字五

八

擾內真寒如水凜熱如火燔形負萬苦神意  
哀冤急爲攘除速付三官不得怠縱逼合生  
靈元始符命敢有稽延天師將吏部衛形魄  
勿使惡毒枉致暴殘普世蒙惠福慶自然生  
身受度劫劫長存永無災患與天齊年過度

三災五苦八難超凌三界逍遙上清上清之

天天帝玄真无色之境梵行慈融愛育慈

靈示能東方八天能與天相繼更將衛護於

文靈蟠明通化天帝景齊文合生

普曜絕真天大帝昌嘉久隆

生開悅感思皇天 帝曜正尊

洞空濟澤昭隨天 帝驕持屍危

奔中理神淨化天 帝論祁允多

虛德紀章天 帝保真自宜

道思歎玄天 帝覺子湘

獻迪蒙示天  
帝伯越師昂

南方八天

玉除正強天  
帝班何子卿

果寂思微天  
帝道伯靈

都璣明玄講化天  
帝王賢公梁

字五

章化夷德天  
帝滋季師明

慧觀曜空天  
帝勅雷九莊

太微妙宗極義天  
帝延岐保靈

端靖存華天  
帝尚孝恭

仙曆總真平功天  
帝仲玦宜坤

九

西方八天

濬玄真和天

帝黃聿慈

太上變炁天

帝諒伯上玄

辭化舉仙天

帝千梁曜

角道生光天

帝湛扁羅強

梵寶招靈用修天

帝確覺真

鬱淵景慶天

帝鎮微次霞

叢陽絳英天

帝高玄陽

瓊度力房天

帝正虞兆先

北方八天



玄靈七真天 帝班序正析

慶玄宛縮天 帝會方躋騫

校靈議淳天 帝澤路龍符

斗籍變魂升真天 帝優管黨無

保山順解理明天 帝混道開

初皇元首玉機天 帝賢資漸容

八道隱玄藏微天 帝朝侯左還

太素龍景逸王天 帝烈修洞休

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈九和十  
合變化上清无量之奧深不可詳敷落神真  
普度天人今日解禳瘴癘擒攝妖氛請消殃  
怪誅伐禍根削除疾橫上奏玉玄真王護度  
塞絕死門東皇馘毒西帝錄精北君淨穢南


字五

十

真衛形中皇太一司領化權調運正炁蕩辟  
魔烟青帝布和白帝安肅赤帝激炎黑帝潤  
澤黃帝總生无令天闕青山魔王拘飛運格  
赤山魔王擊殃禦惡白山魔王鋒揮巨勃黑  
山魔王撫烈捍戟黃山魔王董威利翼五山

大魔攝毒之神各司將吏億萬之兵操戈揚  
麾祛掃不祥拱輔玄化與道齊功上天度人  
奕闡真風神姦不作妙化澄清萬種孽類肅  
殺成塵黑溪曠野下逮幽陰夔魑魍魅血食  
之賓奮鼓袂力乘負邪津流鈴震腦金鉞戮  
形元始告命敢有稽停癘魔喪迹瘴毒滅氛  
三官共鬱明檢鬼營不得容隱金馬驛呈普  
告无窮萬神咸聽三界五帝列言上清

辟山谷瘴癘佩帶符絳囊盛朱書白素上男女大小通用

高  
  
 龍  
 長  
 生

字五

十一

朱書辟山谷瘴癘貼臥處

長  
 壽  
 萬  
 年  
 福  
 祿  
 壽  
 喜  
 財  
 子  
 孫  
 萬  
 子  
 孫  
 長  
 壽  
 萬  
 年  
 福  
 祿  
 壽  
 喜  
 財  
 子  
 孫  
 萬  
 子  
 孫

朱書辟山谷瘴癘貼臥處



天元之始萬劫之先渺渺祖劫混沌玄黃凝  
精結育融植乾坤陰陽升降四序推行中有  
沴炁化成毒精毒精之母號曰栢仙噓炁焦  
木吸潤枯泉造為瘡癘冥晦遊天形為蒼鳥  
九頭相連聲如啼呱周行八山人觸其形痛

注羸孱天寶妙帝鎮伏邪源號曰赤靈被丹  
中金威用无邊救護世人摧敗強彊召迎冲  
炁安輯元元太平開圖運度自然元始安鎮  
敷落五篇赤書玉字八威龍文保制病魔使  
命長存封山禁谷瘴癘不生梵炁彌羅萬範

開張元網流演三十二天輪轉无色周回十  
方旋鬼歷心迴度八山三十六洞總炁上元  
八景冥合炁入三玄玄中太皇上帝高真汎  
景紫雲嘯詠洞章金真朗郁流響雲營玉符  
攝炁徊風聚烟紫虛鬱秀輔翼萬仙巨山神

字五

十二

獸金虎攫天啖食瘴癘冲和自然天地康泰  
和合歸真真中有神青華帝君太始青炁來  
降下元兆民長生病无毒艱仙卿輔相真妃  
侍軒叔火玄父擁衛華晨執符把籙保命生  
根上遊上清出入雲房八冥之内細微之中

下鎮人身泥丸絳宮中理五炁混合百神十  
轉回靈萬炁齊仙仙道貴生无量度人地戶  
天門日車月輪隨道正炁救病得生山谷惡  
注穰解永蠲保度得生上聞諸天諸天之上  
各有生門中有空洞謠歌之章真王靈篇妙  
化玉文

第一解穰山谷瘴癘之音

高上眇眇 神用无涯 御正炁子  
蠲蕩百邪 正炁衛生 邪正酷殘  
魔毒既滅迹 怪孽熄其源 妖氛害我真



乖沴相纏綿  
消魔王清王  
妙範却百疴  
靈音鎮山岳  
琅琅招太和  
散攝禍根源  
瘴癘亦无餘  
噫嗟爾兆身  
未識玄中歌  
天橫喪其軀  
哀冤將柰何  
不遇空洞音  
焉能脫世羅

字五

十三

第二解懷靈感之章

四炁无騫  
萬禍滅連  
瘴癘毒妖  
鬼莽邪烟  
神符驅旬  
威虛輝煌  
諸天大聖  
總御騰驤  
握鈴儀節  
掃絕不祥  
肅清十界  
氛穢除蠲

遠殃疾子

安泰自然

身度此難

无量玄恩

此其樂子

賴我生存

和炁蕩蕩

與道合真

靈寶上法

元始玉文

无所不禳

无所不解

保度无窮

為世津梁

恐爾未悟

設此歌章

第三解禳降真招靈歌曰

朗朗高晨

煥耀玉都

布令千真

總統萬魔

神金虛章

制召眾靈

部衛世化

闡我明科

有崇我教

遂保長年

災橫莫千

晏眇无虞

上聖哀憐

出此玉書

消除苦毒

我道不愆

正道好生

邪道天殘

遵我正道

以合我真

正道常固

疾禍无侵

若不知此道

何以感百神

神威鎮八方

上德長日新

此三界之上飛空之中真王歌音參洞章

誦之百徧瘴孽消除誦之千徧邪癘不生萬

徧道備普護長年過度三界位列仙真有聞

靈音五嶽衛形敕制地祇侍衛送迎拔出禍

難解禳不祥七祖升遷永離北山鬼度朱陵  
受鍊更生是謂无量普度无窮有祕上天文  
諸天共所崇泄慢墮地獄禍及七祖翁

道言此二章並是諸天上帝及至靈真王隱  
祕之音解禳山谷之邪合雜鬼神異惡蟲蠱

字五

十四

四時不常之炁以為瘴癘輕病一家重疫一  
鄉州城聚落以至天下上聖哀憫出顯符章  
解禳之法救護生民皆是大梵之言非世上  
常辭言无韻麗曲无華宛故謂玄奧難可尋  
詳上天所寶祕於神霄玉清王府東華經室

歲曆壬辰應運下傳若有至人齋金寶質心  
依舊格告盟真王然後而付焉

道言夫山谷之炁險易不同高下不等寒濕  
不均炁之所至先後不時高則多寒下則多  
濕溫蟲不蟄流水不冰毒蛇異物乘炁鼓邪

金石燥濕鬱蒸成烟游魂厲鬼浮行其間觸  
冒生人以爲疾患上聖神人示以解禳二法  
若病炁方熾井邑流行則宜淨心修齋行香  
服佩符章以解之又以朱書大梵隱語燒灰  
着清水之中徧令飲之无不寧息若歲炁夫

宜或涉履山谷預爲禳備之法則於所居之  
方爲壇醮祭十二年王山谷行病五方天使  
邵侯神君內外施符五方安瓶以桃柳香艾  
竹葉煎水貯於瓶內大小隨時飲之或以沐  
浴又以大梵隱文朱書隨方安之即瘴癘消

字五

十五

散鄉邑又安六時行香十徧轉經福德立降  
消諸不祥无量之文普度无窮  
道言夫末學道淺或仙品未充誤構瘴癘失  
於解禳運應滅度身經太陰臨過之時同學  
至人爲其行香誦經十過以度屍形如法魂

神逕上南宮隨其學功計日而得更生轉輪  
不惑便得神仙  
道言夫陰陽乖否亦當修齋行香誦經瘴癘  
為愆疫毒流行亦當修齋行香誦經妖靈肆  
酷擾害生民亦當修齋行香誦經破除陰怪  
侵犯正真亦當修齋行香誦經召集吉祥安  
鎮家門亦當修齋行香誦經夫齋戒誦經功  
德甚重上消天災下禳毒害以度兆民生死  
受賴其福難勝故曰无量普度天人  
道言凡有是經能為一切兆民行是功德有

災之日發心修齋燒香誦經十過皆諸天記  
名萬神侍衛右別至人尅得爲聖君金闕之  
臣諸天記人功過毫分无失天中真王亦保  
舉爾身得道者乃當洞明至言也  
諸天中大梵隱語无量之音  
道君撰

元始靈書解穰山谷瘴癘玉篇

東方八天

桓精山佳

鷗雲穴貍

董猫虺蛛

殺真乾雷

桃鬼枯柳

月芝渠師

遁寂胡虬

馬符蝮非

剪沙岩畜



虎涎流丹

土炁罔剛

遙文救燹

化感夢仙

趙邵總靈

氣淘海區

性逐時凝

南方八天

社侯伯元

南府三師

勉凶移毒

字五

老父溪龍

崑鉤璉俞

十六

攝命符令

轉火奔風

屍牢鎖伏

太空極雄

依出恍成

化石廣功

操枝運靈

察景殺童

道遊天霞

救岸已春

西方八天

崔杜監驅

急攝縞女

秦蘭丙垂

幽寶竟東

育典秋聖

欽持決容

茂果逸回

汶靈褒中

馬玄離逐

雲鄉耿漢

殿合建孤

明璫敏神

昆盧蒼機

淪藻品味

靜獨荒詛

走阮夷陵

北方八天

真勃陀婁

燄珠擎門

左太皇宸

牛奎浮瓊

去害子仙

羅聰變玄

波霽究石

何庚窈宣

司饑鄭侯

錄刺揜修

泉合洞譏

赤天瀛由

定驛遣毒

斬截橫鉤

犯洛憂明

豐官蟬旒

道言此諸天中大梵隱語无量之音舊文刻

字五

十七

書閬風玄臺以却萬惡不惟解穰山谷瘴癘  
一切邪病鬼神為害依法救之无不立驗字  
皆廣長一丈天真皇人昔書其文以為正音  
有知其音能齋而誦之者諸天皆遣十方神  
王下觀其身書其功勤上奏諸天萬神朝禮

地祇侍門流傳此經普救世人治病除邪消  
却禍災大勲真王保舉上清道備尅得遊行  
三界升入金門此音无所不辟无所不穰无  
所不度无所不成天真自然之音也故誦之  
致十方下觀上帝遙唱萬神朝禮三界侍軒  
群妖束首鬼精自亡琳琅振響十方肅清河  
海靜默山岳吞烟萬靈振伏招集群仙天无  
氛穢地无妖塵冥慧洞清大量玄玄也

共四



元始无量度人上品妙經卷之四十五

